



Saopštenje za javnost

ZA OBJAVU!

NDI organizuje Misiju za procjenu pred izbore u Bosni i Hercegovini uoči Općih izbora 2026.

(Sarajevo, 14.06.2026) **Nacionalni demokratski institut (NDI) organizuje Misiju za procjenu pred izbore (PEAM) u Bosni i Hercegovini od 14. do 19. juna 2026. godine**, kako bi procijenio izbornu situaciju uoči općih izbora u zemlji zakazanih za 4. oktobar 2026. godine. Tokom misije, delegacija će se sastati sa širokim krugom relevantnih sagovornika, uključujući Centralnu izbornu komisiju (CIK), političke lidere i predstavnike stranaka iz cijelog političkog spektra i oba entiteta Bosne i Hercegovine, te predstavnike organizacija civilnog društva, medija i članove međunarodne zajednice. Rad delegacije bit će zasnovan na dugogodišnjem angažmanu NDI-a u zemlji, koji se seže od 1996. godine nakon Dejtonskog mirovnog sporazuma, te će ispitivati pravni okvir, izborne pripreme, političko i građansko učešće, kao i širi izborni ambijent.

Delegaciju predvodi **Tanja Fajon**, bivša zamjenica premijera i ministrica vanjskih i evropskih poslova Republike Slovenije, dok misiju čini grupa međunarodnih stručnjaka, kao što su: **Carsten Schürmann** (Njemačka), stručnjak za izbornu tehnologiju i profesor informatike na IT Univerzitetu u Kopenhagenu; **Natalia Slepuhin** (Moldavija), izvršna direktorica i suosnivačica organizacije Primăria Mea; **Mark Stevens** (Ujedinjeno Kraljevstvo), međunarodni stručnjak za izbore; **Richard L. Klein**, globalni direktor za izbore, Nacionalni demokratski institut (NDI) i **Borislav Spasojević**, viši savjetnik za jugoistočnu Evropu, Međunarodni republikanski institut (IRI).

„Izbori u Bosni i Hercegovini dolaze u napetom trenutku za zemlju i uključivat će uvođenje nove tehnologije na dan izbora. Snažne demokratske institucije ovise o povjerenju javnosti, smislenom učešću i poštivanju demokratskih normi. Neophodno je da građani i politički akteri imaju povjerenje da je proces transparentan, inkluzivan i odgovoran“, poručila je Fajon.

„Misije za procjenu pred izbore igraju ključnu ulogu u podršci vjerodostojnim izborima privlačenjem pažnje na ključna izborna pitanja mnogo prije dana izbora. Pružanjem nezavisne i nepristrasne procjene i davanjem praktičnih preporuka, cilj nam je ojačati povjerenje u izborni proces i usmjeriti pažnju na uvjete neophodne da građani slobodno i pouzdano učestvuju“, istakao je Klein.

Na kraju svoje posjete, delegacija će na press konferenciji predstaviti svoje nalaze i preporuke. Procjena NDI-a provodi se u skladu sa zakonima Bosne i Hercegovine i [Deklaracijom principa za međunarodno posmatranje izbora](#), koja utvrđuje standarde za nepristrasno i profesionalno posmatranje izbora.

Ova inicijativa je omogućena uz velikodušnu podršku Nacionalne zadužbine za demokratiju (NED). Rad delegacije, uključujući njene nalaze i preporuke, isključivo je djelo Instituta i delegacije.

k r a j

- Za medijske upite na engleskom jeziku, kontaktirajte Paulinu Chavez Alonzo na media@ndi.org
- Za medijske upite u BiH, kontaktirajte Nenada Simovića na nsimovic@ndi.org